







Multo iustus ergo esset hæreticum occidere, qui contra præceptum Dei egreditur ab Ecclesia, intra quam perpetuo se continere debuisset. Deinde Josias ille Rex, cui nec ante eum, nec postea fuit similis Rex in Juda, (4. Reg. 23.) sacerdos omnes, qui contra legem Domini immolabant idolis hostias, occidit super altaria, in quibus illi sacrificabant. Mathias etiam ille sacerdos illustris legis, & fidei propugnator, illum, qui ad aram sacrificaturus accesserat, zelo deservens, trucidavit super aram (1. Mac. 2.) Quid putas hic Mathias, aut Josias ille hæreticis faceret, si illorum alter superstes nunc esset? Non dubito quin uterque illorum pro honore Dei, & pro fide Ecclesiæ suæ zelans, hæreticos omnes ad unum usque capitis animadversione puniret, ut tolleret malum de Ecclesia. Juste igitur Imperatores legibus suis sanxerunt hæreticos obnoxiosos esse occidendos. I. Arriani. C. de hæret. junct. I. ultimum supplicium, ff. de penis. Ostendimus jam satis (ut opinor) aperte, justum esse, ut hæreticus occidatur, quo autem genere mortis sit occidendus, parum ad rem facit. Nam quocumque modo occidatur, semper consulitur Ecclesiæ: quia semper tollitur nocuum, quod vivens aliis præstare posset, & aliis incutitur timor, ne similia docere, aut quomodolibet dicere audeant. Propter quod apud diversas nationes, diverso, & vario genere mortis hæretici occiduntur, quia nullum est genus mortis civili, & imperiali lege sancitum. In Flandria, & aliis inferioris Germaniæ partibus, quum ego illic ante annos decem versarer, vidi hæreticos capitis obtruncatione puniri. In Geldria tamen hæretici manibus, & pedibus ligati jussu Caroli tunc Geldriæ Ducis, in flumen aliquod mittebantur vivi, ut à flumine aborberentur. Eodem genere mortis (ut à multis qui viderunt, audivi) punitus est Antwerpæ quidam insignis Lutheranus jussu Domine Margarietæ Caroli Caesaris Amicæ, quæ tunc ob Cæsaris absentiam, patriam illam gubernabat. Audivi etiam Brugis in Flandria à multis fidei dignis oculatis testibus consuetum esse in illa Civitate, hæreticos vivos mitti in oleum fervens, ut ab eo citissime comburentur: sed tunc quum ego aderam, sola capitis obtruncatione peribat. In cæteris Christiani orbis Regnis, aut Provinciis, nova, perpetua, & inviolabilis est consuetudo hæreticos igne comburere; sic vidi fieri in Francia, præsertim Lutetiæ. Sic in Hispania, & credo sic factum fuisse semper in Italia. Nam beatus Gregorius libro primo dialogorum, cap. 4. narrat Basilium quemdam Magum Romæ combustum esse, & rem gestam laudat. Et (ut antiquiora revolvamus) Dioscorus Alexandrinæ urbis Episcopus, qui Gregorium per aliquot sæcula præcessit, in Chalcedonenf Concilio actione prima, quum de erroribus Eutycheus ageretur ibidem, dixit: Sic Eutycheus præter dogmata Ecclesiæ sapit, non solum pœna dignus est, sed & igne. Hæc ille. Ex quibus verbis aperitissime constat non esse recentem inventionem, sed antiquissimam sapientium Christiano sententiam hæreticos esse igne cremandos. Panormitanus in cap. ad abolendam de hæret. refert Hostiensis, & Joannem Andream in eod. cap. dicere, hæreticos debere igne cremari. Ad quod persuadendum adducunt illud, quod Salvator noster apud Joannem cap. 15. dixit: Si quis in me non manserit, mittetur foras, sicut palmas, & arefiet, & colligent eum, & in ignem mittent, & ardet. Quorum sententiæ videtur favere idem Panormitanus loco præfato: & in cap. excommunicamus, ult. de hæret. Sed hi omnes, quamvis doctissimi viri, multipliciter er-

rant. Primo, quia & si hæretici sunt occidendi, non tamen est necessarium illos comburere, quia hoc (ut diximus) nulla lege præcipitur. Deinde, & si esset aliqua lex, quæ hæreticos igne comburi præciperet; nihil tamen ad legem illam persuadendam agerent verba illa salvatoris ex Evangelio Joannis citata. Non enim ibi loquutus est Salvator de hujus sæculi igne, quem his corporis oculis nunc videmus; sed loquutus est de igne inferni, quo ardebunt perpetuo peccatores. Nec sermo illius ad solos illos dirigitur, qui per errorem fidei separantur à Christo, ut sunt hæretici; sed loquitur ibi Christus de omnibus peccatoribus, qui propter defectum charitatis separantur à Christo, & non manent in eo: & hos omnes perpetuo inferni igne, nisi poeniteant, dicit arduos. Si quis ergo quærat quare comburantur hæretici; respondeo hoc non esse ulla lege firmatum, sed sola consuetudine. Quam consuetudinem, si quis justam esse persuaderit, per hoc melius probabit, quod conveniens est legi divinæ, olim per Moysen datæ, & punitionibus, quibus Deus olim similes peccatores punivit. In feditione, quam suscitavit Chorè, Dathan, & Abiron, ducenti quinquaginta viri ex proceribus Israel, qui illis adhaeserunt, igne desuper à Deo missio consumpti sunt, quia schismatici fuerunt, & sacerdotale officium contra jus, & fas usurpare tentarunt. Num. 16. Omnis autem hæreticus, schismaticus censetur, & merito, quia separatur ab unitate fidei, quam tota tenet Ecclesia Sanctorum. Deinde, cum ob præfatam punitionem à Deo factam, omnis multitudo filiorum Israel murmuraret contra Moysen, & Aaron, dicens quod illi interfecissent populum Domini, ortaque seditione, tumultus adeo increverat, ut Moyses, & Aaron pro vita salvanda ad tabernaculum fœderis fugerent: Deus desuper incendium super populum misit, quod magnam in populo fecit stragem. Fuerunt enim qui in incendio illo perierunt (ut sacra refert Scriptura) quatuordecim millia hominum, & septingenti, absque his, qui perierant in seditione Chore. Si Deus nunc, Deus ultionum esset, ut olim, igne desuper misso Lutheranos combureret, quia seditionem moverunt, & quotidie movent contra Principes Christianos, dicuntque illos esse tyrannos, propterea quod hæreticos incendio perire faciunt. Non abs re igitur schismatici hæretici comburantur, cum Deus tor schismaticos incendio deleverit. Nam ob hanc causam justa dicitur esse lex, quæ in aliquibus Regnis, ut puta in Hispania, decernit eos, qui præposterè utuntur libidine, igne fore comburendos; quia simili pœna Deus olim Sodomam & Gomorham propter idem peccatum punivit. Inter cæteras leges à Deo per Moysen datas, una erat, quæ præcipiebatur, ut filia sacerdotis, si deprehensa fuisset in stupro, & violasset nomen patris sui, flammis exureretur (Levit. 21.). Anima cujuslibet Christiani filia censetur illius summi sacerdotis, de quo Regius Propheta dixit (Psal. 109.) Tu es sacerdos in æternum secundum ordinem Melchisedech. Regenerata siquidem est per gratiam, quæ illi in baptismo per meritum passionis Christi donata est. Sed hæc in stupro deprehenditur, quando eam fidei integritatem, quam in baptismo suscepit, per hæresim amittit. Est enim hæresis quædam fornicatio spiritualis. Stupro hujusmodi peccato, nomen patris sui violasse dicitur: quia cum à Christo nomen per baptismum suscepisset, ut Christianus homo ille diceretur, postquam in hæresim lapsus est, non jam Christianus dici meretur, sed Arrianus, & Nestorianus, aut Lutheranus, aut alio quovis nomine cen-

setur. Hic talis juxta legem merito flammis exurendus traditur. Hanc legem per allegoriam exposuimus, non quidem ut per illam convincere credamus hæreticum esse necessario comburendum. Non sum enim adeo ignorans, ut hoc putarem: quia certo scio juxta doctrinam Augustini non esse sumendum argumentum ex mystico sensu Sacre Scripturæ ad doctrinam aliquam confirmandam: sed solum ex sensu literali. Hac igitur sola de causa hic per allegoriam parumper ludere placuit, ut ostenderem hanc hæreticorum punitionem per incendium habere aliquod in Sacra Scriptura exemplar cui se possit utcumque confirmare. Possit adhuc hæc consuetudo delendi hæreticos per incendium alia via persuaderi, quod sit justa: quia videlicet genus illud mortis vehementer animos videtur terret. Quo sit ut videntibus, & audientibus terribilem incutiat timorem, & inde consequens est, ut per tale genus mortis ceteri magis ab hæresibus deterreantur. Ut igitur quæ tam late dixi, brevibus concludam: dico, & firmissime teneo justum esse, ut hæreticus incorrigibilis occidatur. Quo autem genere mortis sit occidendus hoc, an illo, parum interesse censeo: sed liberum erit cuique regno aut provinciæ, quo genere mortis voluerit hæreticum interficere, cum nullum sit genus mortis universalis lege præfixum.

CAPUT XIII.

*Respondetur objectionibus eorum, qui dicunt hæreticos non esse morte plectendos.*

Ostenfa jam, & firmisimam (ut existimo) rationibus fundata, nostra, & Catholica sententia de hæretici incorrigibilis occisione, ut clarius illius veritas omnibus innoscat, & firmior illa consistat, necessarium fore existimavi respondere his, quæ contra nos obijciunt adversarii, & illa nullius profus roboris esse, ostendere. Orho quidam Brunfelsius ex familia Lutheranorum in quodam opere, quod vocavit Pandeas Sacre Scripturæ lib. 4. in loco, de hæreticis non comburendis: multa hinc inde citat Scripturæ Sacre testimonia, quibus probare nititur hæreticos non esse occidendos, sed rationibus convincendos. Quorum aliqua neque in cute, neque in tu considerata ullo pacto illorum favent sententiæ. Alia vero, & si sola facie illis se patrocinari ostendant, intus tamen inspecta, & diligenti (ut decet) examinatione discussa, aperte declarant se nullum pro illorum sententiæ dicere testimonium. Primo igitur (ut à veteri exordiar testimonio) nobis obijciunt illud Esaiæ Prophete: Cap. 2. *Constabunt gladios suos in vomeres, & lanceas suas in falces. Quæ verba ego non video quo pacto possint ad hæreticorum punitionem adaptari. Sive enim sensum litteralem, qui solus ad doctrinam aliquam stabiendam est efficax, in verbis illi spectes. Sive etiam sensum mysticum sub littera latentem consideres, nihil quod ad præsens negotium atinet, invenies. Nam juxta verum illius litteræ sensum, Propheta promittit pacem, quæ Christo incarnato, & ex utero Virginis nato futura erat in mundo, in quo tam multa, & aque frequentia bella præcesserant, ut vix hominibus pateret aditus, de una provincia ad alteram transire volentibus. Fervebant quidem ante Christi incarnationem ubique bella, digladiabantur inter se Genes, & adversus populum Israel sæpe felici, & prospero successu bella gesserunt. At Christus ex Virginis utero nato, qui veram pacem hominibus verbo &*

